

四庫全書

史部

欽定四庫全書

明會典卷四十六

禮部五

冊立二

皇太子冊立儀

洪武初定

冊立

前一日內使監官陳御座香案于奉天殿如常儀尚寶

司設寶案于御座前侍儀司設詔書案于寶案之前冊案寶案于殿中冊案在東寶案在西冊寶亭一座于丹陛之東皇太子拜位于丹陛上及御座前俱北向受冊寶官位于殿上皇太子拜位之東西向讀冊寶官位于授冊寶官之北西向捧進冊寶官位于讀冊寶官之南西向受冊寶內使二人位于殿上皇太子拜位之西與冊寶亭內官八人位于丹陛冊寶亭之東設承制官承制位于殿內之西宣制位于殿門外東北捧詔官位于

殿內之東內贊二人位于殿內皇太子拜位之北東西相向贊禮二人位于丹陛上之南東西相向知班二人位于丹墀中文武官侍立位之南糾儀御史二人位于知班之北俱東西相向文武百官齊班位于午門外之東西北上文官侍立于文樓之北西向武官侍立于于武樓之北東向使臣僧道耆老侍立于文官侍立位之南俱西向殿前班指揮司官三人位于丹陛之西東向宣徽院官三人位于丹陛之東西向侍從班起居

注給事中殿中侍御史侍儀使尚寶卿侍立于殿之東侍從班武官指揮使侍立于殿上之西拱衛司官二人侍立于殿中門之左右典牧官二人位于仗馬之南宿衛鎮撫二人位于丹墀階前東西相向護衛百戶二十四人位于宿衛鎮撫之南稍後東西相向護衛千戶八人位于殿東西門之左右將軍二人位于殿上簾前將軍四人位于丹陛之四隅俱東西相向將軍六人位于奉天殿門之左右將軍六人位于奉天門之左

右鳴鞭四人位于丹陛之南北向引文武官舍人四人位于文武官侍立位之北稍後東西相向引使臣僧道耆老舍人二人位于引文官舍人之下禮部官同內使監官安奉詔書於殿內案上及于冊寶亭中匣蓋內取冊寶置于殿內冊寶案上冊在前寶在後內使舁冊寶亭就位禮部官以付內使監官守護其日清晨鼓初嚴金吾衛陳甲士于午門外之東西旗仗于奉天門外之東西拱衛司陳儀仗于丹陛之東西及丹墀之東西陳

車輅于文武樓之南典牧官陳仗馬于車輅之南虎豹于奉天門外和聲郎入陳樂于丹墀之南所司備鼓樂儀衛備儀仗于奉天門外伺候迎送冊寶至東宮文武百官各具朝服執事者俱入就位鼓次嚴百官齊班于午門外尚寶卿侍從侍衛官各服器服俱詣謹身殿奉迎鼓三嚴侍儀奏中嚴御用監官奏請上御謹身殿具袞冕啟請皇太子于奉天門具冕服引班引百官使客僧道耆老等俱入侍立位侍儀奏外辦上御輿以出尚

寶鄉捧寶及侍儀導從警蹕如常儀仗動大樂鼓吹振
作陞座樂止將軍捲簾尚寶鄉以寶置于案鳴鞭報時
訖引進四人引皇太子入奉天東門樂作陞自東階由
東門入引進立候於門外內贊接引至丹陛拜位引禮
分立於左右樂止捧受冊寶內使由西陛升俱入就丹
陛立位知班於丹墀中唱班齊贊禮于丹陛上唱鞠躬
樂作皇太子再拜興平身樂止內贊唱承制官稍前承
制官前立於殿西內贊唱跪承制官跪承制訖由殿中

門出立于門外稱有制贊禮唱跪皇太子跪宣制云冊
長子某為皇太子畢贊禮唱俯伏興平身承制官由殿
西門入跪于殿西云傳制畢復位贊禮贊鞠躬樂作皇
太子鞠躬再拜興平身樂止贊禮唱行冊禮引禮引皇
太子由殿東門入樂作引禮立于門外內贊接引至御
座前拜位樂止內贊唱跪皇太子跪唱受冊寶捧冊寶
官于案前跪捧冊授讀冊寶官內贊唱讀冊讀冊寶官
跪讀冊訖以冊授丞相丞相搢笏受冊內贊唱搢圭皇

太子搢圭唱授冊丞相以冊跪授于皇太子捧受冊寶
內使跪于皇太子西捧冊興立于皇太子西捧冊寶官
又于案前跪捧寶授讀冊寶官內贊唱讀寶讀冊寶官
跪讀寶訖以寶授丞相丞相受寶跪授于皇太子捧受
冊寶內使跪于皇太子西捧寶興立于捧冊內使之下
內贊唱出圭皇太子出圭唱俯伏興平身皇太子俯伏
興平身唱復位引皇太子出樂作內使捧冊寶前導出
至殿東門引禮引皇太子復位樂止內使以冊寶置于

冊寶亭盃匣中退立于丹陛之東贊禮贊鞠躬拜樂作
皇太子四拜興平身樂止內使舁冊寶亭前行引禮導
皇太子由東階降樂作出奉天門樂止引禮引皇太子
詣東耳房伺候于中宮行禮內使舁冊寶亭東門出至
西道儀仗鼓吹前迎百官迎送至東宮安奉冊寶于殿
內初皇太子降階禮部尚書跪奏用寶詣案捧詔書尚
寶卿用寶以詔書置于案禮部尚書于殿西跪奏云捧
詔赴午門開讀興捧詔官捧詔由中門出樂作降自中

陞引禮引文武官迎詔書出奉天門樂止開讀于午門
外訖百官迎詔至中書省頒行執事入報侍儀奏禮畢
鳴鞭上興樂作還宮樂止

皇太子朝謝中宮

受冊之日內使監官陳設皇后御座于中宮殿上皇太
子拜位于殿庭正中及御座前內贊二人位于殿上拜
位之東西司贊二人位于丹墀拜位之東西陳設儀仗
于殿庭之東西擎執于殿上之左右樂工陳樂于殿庭

之南皇太子于奉天殿受冊畢司賓引皇太子具冕服
至中宮外門東向立內使監官啓聞皇后首飾褱衣出
殿樂作陞御座樂止司賓引皇太子由東階升樂作就
丹墀拜位樂止司賓分立于前司贊唱鞠躬拜樂作皇
太子四拜興平身樂止司賓引皇太子由殿東門入樂
作至殿上拜位樂止內贊唱跪皇太子跪恭謝曰小子
某茲受冊命謹詣母后殿下恭謝謝畢內贊唱俯伏興
皇太子俯伏興平身司賓引皇太子由殿東門出樂作

復位樂止司贊唱鞠躬拜樂作皇太子四拜樂止司賓
唱禮畢內使監官啓禮畢皇后興樂作還宮樂止內官
引皇太子出

諸王賀東宮

皇太子受冊之日內使監官設皇太子座于東宮侍儀
司設諸王拜位于殿庭階上及殿上正中贊禮二人位
于殿庭王拜位之東西內贊二人位于殿內王拜位之
東西文武官侍立位于殿庭之東西將軍六人位于殿

門之左右拱衛司設儀仗于殿庭之左右樂工設樂于
宮門之外伺皇太子于中宮行禮畢引禮引諸王便服
至東宮門外西向立引進引皇太子便服出宮樂作陞
殿樂止引禮引諸王由東階陞樂作至殿庭階上拜位
樂止贊禮唱鞠躬拜樂作諸王鞠躬四拜興平身樂止
引禮引諸王居長者由殿東門入樂作引禮拜于門外
內贊接引至殿內拜位樂止內贊贊禮同唱跪諸王皆
跪長王恭賀曰小弟某茲遇長兄皇太子榮膺冊寶不

勝忻忭之至謹率諸弟詣殿下稱賀賀畢內贊贊禮同
唱俯伏興平身引禮引長王由殿東門出樂作復位樂
止贊禮唱鞠躬拜樂作諸王鞠躬四拜興平身樂止唱
禮畢引進啓禮畢皇太子興樂作還宮樂止引進引諸
王以次出

諸王賀中宮

皇太子受冊之日內使監官陳設皇后御座于中宮殿
上諸王拜位于殿庭正中及御座前內贊二人位于殿

上拜位之東西司贊二人位于諸王丹墀拜位之東西設儀仗于殿庭之東西擎執于殿上之左右樂工陳樂于宮門外諸王於東宮行賀禮畢司賓引諸王具冕服至中宮外門東向立內使監官啓聞皇后首飾褱衣出殿樂作陞御座樂止司賓引諸王由東階升樂作入就丹墀拜位樂止司贊唱鞠躬拜樂作諸王鞠躬四拜興平身樂止司賓引諸王居長者由殿東門外入樂作至殿上拜位樂止內贊司贊同唱跪諸王皆跪長王恭賀

曰小子某茲遇長兄皇太子榮膺冊寶不勝惟慶謹率
諸弟詣母后殿下恭賀賀畢內贊司贊同唱俯伏興平
身諸王俯伏興平身司賓引長王由殿東門出樂作復
位樂止司贊唱鞠躬拜樂作諸王鞠躬四拜興平身樂
止司賓唱禮畢內使監官啓禮畢皇后興樂作還宮樂
止內官引諸王以次出

百官進慶賀表箋

與進賀中宮受冊表箋儀同

百官進慶賀東宮箋

前期內使監官陳設皇太子位于東宮正殿如常儀侍儀司設箋案位于殿下及殿上正中文武官拜位于殿下文東武西異位重行北向設宣箋官位于殿下箋案之西展箋官位于宣箋官之下知班二人位于文武官拜位之北贊禮二人位于知班之北內贊二人位于殿上引文武班舍人四人位于文武班之北稍後俱東西相向是日宿衛陳兵仗于東宮外門之東西陳旗仗于

中門外東西相向將軍六人于殿門之東西拱衛司陳儀仗于殿庭階上下之東西和聲卽陳樂于文武官拜位之南內使擎執于殿上之左右文武官進箋至午門前禮部官以箋函置于案舍人舉入東宮門外恭候行禮文武官于奉天殿行賀禮畢常服詣東宮文東武西分立于門外受箋官贊禮等執事各就位引進啓外備皇太子常服出宮至殿門樂作陞殿樂止舍人舉箋案入宣箋官展箋官押案置于庭各就位引班引文武官

亦入就位知班唱班齊贊禮唱鞠躬拜樂作丞相以下皆鞠躬四拜興平身樂止贊禮唱進箋受箋官進至案之東北引班引丞相至案前丞相跪捧箋興與宣箋官展箋官由西陞升西門入至殿內置于案退立于殿南正中內贊唱跪贊禮唱衆官皆跪丞相與衆官皆跪內贊唱宣箋宣箋官詣案前取箋跪宣于殿西展箋官同跪展箋宣畢俯伏興退立于西展箋官以箋復置于案退立于西內贊贊禮同唱俯伏興丞相與百官皆俯伏

興平身丞相與宣箋官展箋官由殿西門出西陛降復位贊禮唱鞠躬拜樂作丞相以下皆鞠躬四拜興平身樂止贊禮唱禮畢引進啓禮畢舍人舉箋案出皇太子興樂作還宮樂止百官以次出

內外命婦慶賀中宮

至日司賓引內外命婦各服其服伺于中宮門外之左右伺皇太子入行朝謝畢內使監官啓聞司賓二人先引外命婦由西門入序立于庭中左右二人引內命婦

入就拜位司贊唱班齊拜樂作內命婦以下皆四拜興
樂止司賓引班首由西階陞西門入樂作至御座前樂
止內贊司贊同唱跪班首以下皆跪班首稱某封某妾
某等茲遇皇太子榮膺冊命恭詣皇后殿下稱賀賀畢
內贊司贊同唱興班首以下皆興司賓引班首由西門
出西陞降復位司贊唱拜樂作班首以下皆四拜興樂
止司賓二人引外命婦入就拜位贊拜樂作班首以下
皆四拜興樂止司賓引班首由西陞陞西門入樂作至

御座前樂止內贊司贊同唱跪班首以下皆跪班首稱
賀曰妾某氏等茲遇皇太子榮膺冊命恭詣皇后殿下
稱賀賀畢內贊司贊同唱興班首以下皆興司賓引班
首由西門出西陛降司贊唱拜樂作班首以下皆四拜
興樂止司賓唱禮畢皇后興樂作還宮樂止命婦以次
出皇太子擇日恭謁太廟

永樂二年續定

冊立

先期三日齋戒遣官祭告天地宗廟用香帛酒醑行一獻禮前一日禮部同鴻臚寺官設詔案于奉天殿中設節冊寶案于詔案之南節中冊東寶西各以次陳列設冊寶綵輿于丹陛之東尚寶司設寶案錦衣衛設鹵簿儀仗教坊司設中和韶樂如常儀至日鴻臚寺設皇太子拜位于丹陛正中設持節等官拜位于丹墀內引禮請皇太子具冕服于文樓下以俟上服袞冕御華蓋殿翰林院官捧詔尚寶司官用寶訖禮部官捧置于案執

事官行五拜禮畢鴻臚寺官奏請陞殿導駕官前導樂
作上御奉天殿樂止尚寶司官以寶置于案鳴鞭文武
百官朝服行叩頭禮侍班引禮官六人導皇太子由東
階陞至丹陛贊就位持節等官各就丹墀拜位贊鞠躬
樂作四拜樂止傳制官跪奏傳制俯伏興由左門出西
向立稱有制贊禮贊跪皇太子及持節等官皆跪宣制
訖贊俯伏興平身引禮導皇太子由殿東門入至冊寶
案前內贊贊跪贊宣冊授冊官跪捧冊授宣冊官宣冊

官立宣于皇太子之右宣訖贊摺圭贊授冊捧冊官捧冊授皇太子受訖以授內侍內侍跪受立于西贊授寶一如授冊儀贊出圭俯伏興平身贊復位引禮導皇太子由殿東門出就位內侍捧冊寶前導置綵輿內贊贊鞠躬樂作四拜樂止執事者各舁冊寶以次前行引禮導皇太子由東階降持節等官隨樂作至奉天門樂止用儀仗鼓樂迎冊寶至文華殿行禮畢持節官持節復命是日禮部官候節冊寶啓行畢奉詔書至承天門開

讀頌行天下

謁廟謝恩

皇太子受冊寶畢具冕服儀仗引禮導引詣太廟行謁
告禮如常儀禮畢釋服引禮導引至左順門具冕服謝
恩上具皮弁服御奉天殿引禮導引皇太子至上前謝恩
樂作行八拜禮畢樂止導還至右順門內官導詣內殿
前皇后服燕居冠服陞內殿皇太子於內殿丹陛行八
拜禮畢

親王見東宮

先是內官設皇太子座於文華殿鴻臚寺設親王世子郡王拜位于殿陛上教坊司設樂錦衣衛設儀仗候親王世子郡王賀中宮禮畢引禮導親王世子郡王具冕服其未冕者便服序列於文華殿門外以俟導引官導皇太子冕服陞座引禮導親王世子郡王由東階陞就殿陛上拜位贊鞠躬四拜贊跪鴻臚寺官一人詣殿門外正中跪致詞曰某王某等茲遇皇太子殿下榮膺冊

命禮當慶賀致詞畢贊俯伏興四拜皇太子駕興親王世子及郡王以次而出是日皇太子詣武英殿見諸叔行家人禮四拜諸叔西向坐受見諸兄行家人禮二拜諸兄西向立受

慶賀

次日文武百官進表箋慶賀如常儀

永樂二十二年冊立

樂設而不作明日奉先殿行禮畢仍詣几筵謁告如常

儀

宣德二年續定

祭告

前期祭告天地宗廟社稷

冊立

前期鴻臚寺錦衣衛陳設如常儀上服皮弁服御華蓋
殿執事官行五拜叩頭禮畢鴻臚寺官請陞殿導駕官
前導上陞座尚寶司以寶置于案鳴鞭文武百官具朝

服行叩頭禮左右侍班引禮引正副使入就拜位贊四拜傳制官跪奏傳制俯伏興執事官舉節冊寶案由殿左門出置御道中傳制官由左門出稱有制贊正副使跪制曰某年某月某日冊立長子某為皇太子命卿等持節行禮贊俯伏興又四拜禮畢執事官舉節冊寶置于綵輿中黃蓋送至左順門外正副使朝北立內官捧節冊寶由正門入至文華殿內使引皇太子出迎至文華殿內官以節冊寶置于案內贊贊四拜贊宣冊贊詣

冊案前贊跪宣冊內官立宣訖贊授冊捧冊內官以冊授皇太子受訖以冊授內侍內侍跪受立于西贊受寶捧寶內官授寶如授冊之儀贊俯伏興平身復位贊四拜禮畢內官持節由正門出至左順門外以節授正副使報禮畢正副使得報持節復命

頒詔

鴻臚寺官候冊命行即設詔案于奉天殿中唱頒詔翰林院官以詔授禮部官置于案奉迎至承天門開讀如

常儀

謁告謝恩

皇太子受冊寶畢內侍引詣奉先殿謁告如常儀謁告畢內侍引皇太子詣皇太后前行八拜禮次詣上前皇
后前皆行八拜禮又詣皇妃前行四拜禮畢回宮

慶賀

次日文武百官具朝服上表賀陳設如常儀上具袞冕
御華蓋殿親王先行八拜禮賀次執事官行五拜叩頭

禮畢鴻臚寺奏請陞殿導守駕官前導進表行禮如正旦儀親王於上前行賀禮畢次詣內殿皇太后前賀行八拜禮畢詣皇后前賀行八拜禮畢又詣皇妃前賀行四拜禮皇太后禮服陞內殿受內外命婦賀禮外命婦進表陳設如常儀皇后禮服陞內殿受內外命婦賀禮外命婦進箋陳設如常儀皇妃禮服於宮中受內外命婦賀禮外命婦進箋陳設如常儀文武百官進箋賀皇太子陳設如常儀

皇太子妃冊立儀

永樂二年定

前一日內官設節冊案于東宮內殿設香案于其南女
樂于內殿設儀仗如常儀設內贊引禮女官各二人至
日持節正副使等官捧皇太子妃節冊至左順門以節
冊授內官徃行禮北向立俟報內官持節冊由正門入
將至內引禮請皇太子妃具禮服宮人執扇從衛引贊
導妃降自東階出迎於宮門外比至皇太子妃隨至拜

位內官置節冊于案內贊贊四拜贊宣冊贊跪女官捧冊立宣于皇太子妃之左宣畢內贊贊授冊贊揖圭女官取冊授皇太子妃皇太子妃受訖以授女官女官跪受于皇太子妃之右內贊贊出圭贊興贊四拜禮畢內官持節出皇太子妃送出宮門外內官報正副使禮畢正副使復命皇太子妃乃具禮服詣奉先殿行謁告禮如常儀禮畢女官導詣宮門俟上具皮弁服皇后燕居冠服陞座女官導妃就內殿行八拜禮畢出

永樂二十二年冊立

樂設而不作節冊至引贊贊妃就拜位宣冊授冊畢行
四拜禮奉先殿謁告畢詣几筵行謁告禮如常儀皇帝
皇后前謝恩禮畢詣皇妃前行四拜禮還宮詣皇太子
前行四拜禮畢導陞座侍衛如常儀王妃公主郡主及
宮人女官應賀者於丹墀內行四拜禮畢各退

明會典卷四十六

欽定四庫全書

史部

明會典卷四十七至五十二

詳校官編修臣裴謙

編修臣程嘉謨覆勘

總校官知縣臣繆琪

校對官編修臣沈孫璉

謄錄監生臣毛大瀛

欽定四庫全書

明會典卷四十七

禮部六

冊立三

親王冊立儀

洪武三年定

受冊寶

前期擇日奏告太廟至日設寶冊案五座于殿中寶冊

亭十座于丹陛上之東皇太子侍立位于御座之東諸
王拜位于丹陛上及御座前俱北面其餘陳設侍衛執
事俱與冊東宮儀同是日早百執事各就位鼓三嚴侍
儀奏中嚴皇帝於謹身殿具袞冕皇太子於奉天門具
袞服親王各具九章冕服引班分引文武百官入侍立
位侍儀版奏外辦皇帝出御奉天殿尚寶卿捧寶及導
從奏樂如常儀鳴鞭司晨報時訖引進四人引皇太子
引禮四人引親王俱由奉天門東入樂作陛自東陞皇

太子由殿東門入引進立候于門外內贊接引至侍立
位親王入至丹墀拜位引禮分立於左右樂止捧受冊
寶內使由西陛陞俱入就丹陛立位知班於丹墀中唱
班齊贊禮於丹陛上贊鞠躬樂作再拜樂止內贊贊承
制官跪承制訖由殿中門出立于中門外稱有制贊禮
贊親王皆跪宣制云封皇子某為某王某為某王某從
孫某為某王某畢贊諸王皆俯伏興承制官由殿西門入
跪於殿西云傳制畢復位贊禮贊諸王鞠躬樂作再拜

樂止贊禮贊行禮引禮引秦王由殿東門入樂作引禮
立於門外內贊接引秦王入至御座前拜位樂止內贊
贊跪贊授冊寶捧冊寶官於案前跪捧冊授讀冊官內
贊贊讀冊讀冊官跪讀冊訖以冊授丞相丞相搯笏受
冊內贊贊搯圭贊受冊丞相以冊跪授秦王捧受冊寶
內使跪於王西捧冊興立於王西捧冊寶官又於案前
跪捧寶授讀寶官內贊贊讀寶官跪讀寶訖以寶授丞
相丞相捧寶跪授秦王捧受冊寶內使跪於秦王西捧

寶興立於捧冊內使之下內贊贊出主俯伏興贊復位
引禮引秦王出樂作內使捧冊寶前導出至殿東門引
禮引秦王復位樂止內使以冊寶置于冊寶亭盂匣中
退立于丹陛之東引進引以次諸王俱入殿受冊寶并
內使捧受皆如上儀畢贊禮贊秦王以下皆鞠躬樂作
四拜樂止內使舉親王五位冊寶亭前行引禮導王俱
由東階降樂作奉迎冊寶官奉迎出奉天門東樂止時
齊譚趙魯四王年幼遣官賫冊寶授之其儀內贊贊承

制官稍前丞相前立於殿西內贊贊丞相跪承制訖讀冊寶官舉四王冊寶俱由中門出內使舉冊寶亭至丹陛中讀冊讀寶官以冊寶置于盂匣中執事舉冊寶亭前行授冊寶官丞相一同由中陛降讀冊寶官由西門入殿復位捧受冊寶內使四人由西陛降從丞相由丹陛轉謹身殿之東進至王宮門外冊寶亭暫駐於門外正中內使監官出迎於冊寶亭西南跪東北向授冊寶丞相東北立西南向稱有制宣制曰封皇子某為某王

某為某王畢授冊寶官丞相出內使監官迎冊寶入宮
中授冊寶官丞相由王宮門出至奉天殿前丹墀西轉
由西陞陞自西門入殿跪云宣制訖俯伏興引禮官引
靖江王至御座前跪受冊寶出復位四拜由東陞降奉
迎冊寶出奉天東門並如秦晉等儀禮部尚書跪奏詔
書用寶詣案捧詔書尚寶卿用寶以詔書置于案禮部
尚書跪奏捧詔赴午門開讀興捧詔由中門出樂作降
自中陞授冊寶丞相等官由西門出降自西階文武百

官迎詔書開讀于午門外頒行俱如常儀侍儀奏禮畢
鳴鞭皇帝興樂作還宮引進入東門至殿上導皇太子
出樂止

奉安冊寶

是日所司備鼓樂儀衛備儀仗於奉天門西右順門東
俟候親王受冊寶畢出至奉天門引禮引親王詣東耳
房伺候於中宮行禮內使舉冊寶亭東門出由西道儀
仗鼓吹前行送至親王殿各以序奉安於殿內

年幼親王受冊寶

受冊之日內使監官陳設香案於內殿正中設保抱抱王受冊位於香案之南設授冊寶內使監官位於香案之東捧受冊內使位於保抱抱王受冊位之西捧受寶內使位於捧受冊內使之南司贊二人位於保抱抱王受冊位之東西丞相奉迎冊寶至王宮門外內使監官跪聽制訖丞相出內使監官迎冊寶亭入宮中置於香案之北保抱抱王由東門入樂作至香案前受冊位北

面立樂止司贊贊行冊禮內使監官前立稱有制內贊贊保抱抱王皆跪內使監官宣制曰今封皇子某為某王某為某王畢內贊贊保抱抱王興繼贊授冊寶司賓引保抱一人抱王前立授冊寶監官詣案取冊捧授於保抱抱受冊以授於捧受冊內使內使跪于保抱之左受冊興退立于西授冊寶監官又詣案取寶捧授于保抱抱保抱抱受寶以授于捧受寶內使內使跪于保抱之左受寶興退立于西以次受冊寶皆如上儀內贊贊禮

畢樂作司賓引保抱抱王退樂止執事各以冊寶奉置
亭中

朝謝中宮

與皇太子受冊朝謝儀同

謝東宮

親王受冊之日內使監官陳設皇太子座於東宮侍儀
司設親王拜位於殿庭階上及殿上正中贊禮二人位
于殿庭王拜位之東西內贊二人位于殿內王拜位之

東西文武官侍立位于殿庭東西將軍六人位于殿門之左右拱衛司設儀仗于殿庭之左右樂工設樂于宮門之外親王於中宮行禮畢引禮引親王便服至東宮門外西向立引進引皇太子便服出宮樂作陞殿樂止引禮引諸王由東階陞樂作至殿庭階上拜位樂止贊禮唱鞠躬樂作四拜樂止引禮引秦王由殿東門入樂作引禮立於門外內贊接引秦王至殿內拜位樂止內贊贊禮同唱跪秦王以下皆跪秦王恭謝曰小弟某等

茲受封冊謹詣皇太子長兄殿下恭謝謝畢內贊贊禮
同唱俯伏興平身引禮引秦王由東門出樂作復位樂
止贊禮唱鞠躬拜樂作四拜樂止贊禮唱禮畢引進啓
禮畢皇太子興樂作還宮樂止引進引親王以次出

親王自行賀及百官賀諸王

親王受冊之日儀衛司於西宮親王殿依親王長幼陳
設座位侍儀司設文武官陪立位於殿庭之東西拜位
于庭中文東武西內贊二人位于殿內東西相向拱衛

司陳設親王儀仗于殿前之東西樂工陳樂於殿庭之南贊禮贊各就位親王于東宮行禮畢引禮引親王便服入殿門樂作陞座樂止文武官入立于殿庭之東西引禮引晉王以下詣秦王前行禮贊禮唱鞠躬晉王以下皆鞠躬樂作四拜樂止引禮引以次親王行禮皆如賀秦王儀贊禮唱禮畢引禮引文武官入就拜位贊禮唱鞠躬樂作四拜樂止引禮引丞相由西門入引禮立于門外丞相至殿上拜位內贊贊禮同唱跪丞相及庭

中文武官皆跪丞相稱賀曰某官某等茲遇親王殿下
榮膺冊寶封建禮成無任忻忭之至賀畢內贊贊禮同
唱俯伏丞相及庭中文武官皆俯伏興平身丞相出引
禮引復位贊禮唱鞠躬樂作四拜樂止贊禮唱禮畢內
贊啓禮畢親王興樂作出殿門樂止引禮引文武官以
次出

百官稱賀上表箋

親王受冊寶禮既畢至晚內使監於奉天殿陳設御座

香案尚寶司設寶案于香案之北侍儀司設表案位于香案之北侍儀司設表案位于香案之南又設表箋案位于丹墀北之正中設皇太子拜位於丹陛上御前正中親王陪拜位各以長幼序于皇太子拜位之南設文官起居位于丹墀之東南西向武官起居位於丹墀之西南東向文官拜位于丹墀中之東北每等異位重行北向西上武官拜位于丹墀中之西北每等異位重行北向東上殿前班諸執事起居位于武官起居位之北

東向侍從班諸執事起居位于文官起居位之北西向
殿前班指揮司官三員侍立位於丹陛上之西東向光
祿寺官三員侍立位于丹陛上之東西向侍從班文官
立位於殿上之東侍從班武官立位於殿上之西拱衛
司二員侍立位於殿中門之左右典牧所官二員侍立
位于仗馬之前東西相向受箋內使監官一員位於丹
墀表案之東西向宣表官一員展表官二員位於丹墀
表箋案之西東向糾儀御史二人位于展表官之南東

西相向內贊二員位於殿上東西相向典儀二人位於丹陛上之南東西相向知班二人位於文武官拜位之北東西相向通贊贊禮二人位於知班之北東西相向通贊在西贊禮在東引文武班舍人四人位於文武官拜位之北稍後東西相向引殿前班舍人二人位於引武班之南東向舉表案舍人二人于引文班之南西向宿衛鎮撫二人位於丹陛東西階下東西相向護衛百戶二十四人位於宿衛鎮撫之南稍後東西相向護衛

千戶八人位於殿東門之左右將軍二人位於殿上簾前東西相向將軍六人位於殿門之前東西相向將軍四人位於丹陛上四隅東西相向將軍六人位於奉天門東西相向鳴鞭四人位於丹陛上之南北向其日清晨金吾衛陳兵仗於午門外之東西陳旗仗於奉天門外之東西拱衛司陳儀仗於丹陛之東西及丹墀之東西陳車輅於丹墀之南典牧所陳仗馬於文武樓南之東西虎豹於奉天門之東西和聲郎陳樂於丹墀文武

官拜位之南內使監官擎執於御座之左右侍儀司舍人舉表案入就殿上案位舍人二人舉表案伺候於午門外文武官具朝服迎表至雲集橋舍人引殿前班司贊贊禮內贊宿衛鎮撫護衛鳴鞭各人入就位侍儀侍從入迎車駕上位陞謹身殿侍儀版奏中嚴御用監官奏請上位服袞冕皇太子親王於奉天門東耳房具袞服文武官迎表至午門前置龍亭於御道中禮部官取表函置於案舍人舉案宣表官展表官押表案引丞相

前行文武官分班俱由西門入至丹墀中禮部官押表
案於丹墀正中各就位文武官各入就起居位侍儀奏
外辦導引上位御輿以出仗動鼓吹振作尚寶卿捧寶
前導侍衛如常儀上位陞御座樂止尚寶卿捧寶置於
案將軍捲簾拱衛司鳴鞭司晨報時鷄唱訖諸侍從官
殿前班拱衛司官由西階降引班引同宣表官受表官
受箋內官俱入起居位東西相向立定通班唱某衛指
揮使臣某以下起居引班唱鞠躬平身指揮以下鞠躬

平身引班東西分引至丹墀中拜位北面立贊禮唱鞠
躬樂作兩拜樂止贊禮唱指揮使稍前指揮使前立贊
禮唱鞠躬指揮以下皆鞠躬贊禮唱聖躬萬福唱平身
指揮使以下皆平身唱復位指揮使復位唱鞠躬樂作
兩拜樂止通班唱各恭事引班引指揮以下官各就位
引進四人導皇太子親王由東門入樂作由東陸陸至
拜位樂止引進分立於其前唱鞠躬樂作四拜樂止引
進引皇太子由殿東門入樂作引進立俟於門外內贊

接引皇太子至御座前拜位樂止內贊引進同唱跪皇太子親王皆跪皇太子稱賀云長子某茲遇諸弟某等受封建國謹詣父皇陛下稱賀賀畢內贊引進同唱俯伏興平身皇太子親王俯伏興平身內贊引皇太子出殿東門樂作內贊唱復位引進引皇太子復位樂止引進唱鞠躬樂作四拜樂止引進引皇太子親王東陛降樂作至文樓樂止司晨再報時訖通班唱具官臣某以下起居引班唱鞠躬平身文武官相向鞠躬平身引班

東西分引入丹墀中拜位丞相初行樂作至位樂止知
班唱班齊贊禮唱鞠躬樂作四拜樂止贊禮唱進表箋
引班引丞相及平章詣表箋案前丞相跪捧表興平章
跪奉箋進於受箋官受箋內使監官接箋入中宮啓聞
平章興引班引復位丞相奉表與宣表官展表官由丹
墀西陞陞西門入至殿中丞相跪進表於案退立於殿
南正中內贊唱跪贊禮唱跪丹墀百官皆跪內贊唱宣
表宣表官詣案取表跪讀於殿西展表官同跪展表宣

表官宣訖俯伏興展表官以表置於案訖內贊與贊禮
同唱俯伏興平身丞相與丹墀百官皆俯伏興平身與
宣表展表官由殿西門出西階降復位贊禮唱鞠躬樂
作四拜樂止贊禮唱搯笏文武官皆搯笏三舞蹈跪三
拱手加額山呼萬歲山呼萬歲再山呼萬歲樂工應
聲和之出笏俯伏興樂作四拜樂止贊禮唱禮畢侍儀
奉禮畢鳴鞭上位興樂作導引還謹身殿樂止舍人舉
表案出引班引文武官以次出

東宮賀中宮

親王受冊次日內使監官陳設皇后御座於中宮殿上
皇太子拜位於露臺上正中親王陪拜位序於其後設
皇太子行禮位於御座前內贊二人位於殿上拜位之
東西陳設儀仗於殿廷之東西擎執於殿內之左右樂
工陳樂於宮門之外皇太子於上位前行賀禮畢司賓
引皇太子親王各具冕服至中宮門外東向立內使監
官啓聞皇后首飾褱衣出殿樂作陞御座樂止司賓引

皇太子親王由東階陞樂作入就露臺上拜位樂止司
賓分立於其前司贊唱鞠躬樂作四拜樂止司賓引皇
太子由殿東門入樂作至殿內拜位樂止司賓分立於
其前內贊唱跪皇太子跪稱賀曰長子某茲遇諸弟某
等受封建國謹詣母后殿下稱賀畢內贊唱俯伏興平
身皇太子俯伏興平身司賓引皇太子東門出樂作復
位樂止司賓唱鞠躬樂作四拜樂止司賓唱禮畢內使
監官啓禮畢皇后興樂作還宮樂止內官引皇太子親

王以次出

中宮受內外命婦賀

至日司賓引內外命婦各服其服各伺於中宮門外之左右伺皇太子入行賀禮畢內使監官啓聞司賓二人先引外命婦由西門入序立於庭中左右二人引內命婦入就拜位司贊唱班齊唱拜樂作四拜樂止司賓引班首由西階陞西門入樂作至御前樂止內贊司贊唱跪班首及衆內命婦皆跪班首稱某封某妾某等茲遇

親王受封建國恭詣皇后殿下稱賀畢內贊司贊同唱
興班首及衆內命婦皆興司賓引班首西門出西階降
復位司贊唱拜樂作四拜樂止司賓引內命婦出司賓
二人引外命婦入就拜位唱拜樂作四拜樂止司賓引
班首由西門入樂作至御座前樂止內贊司贊同唱跪
班首以下皆跪班首稱賀曰妾某氏等茲遇親王受封
建國恭詣皇后殿下稱賀畢內贊司贊同唱興班首以
下皆興司賓引班首由西門出西階降司贊唱拜樂作

四拜樂止司賓引外命婦以次出

東宮受百官賀

前期内使監官陳設皇太子位於東宮正殿如常儀侍儀司設箋案位於殿下及殿上正中文武官拜位於殿下文東武西每等異位重行北向設宣箋官位於殿下箋案之西展箋官位於宣箋官之下知班二人位於文武官拜位之北東西相向贊禮二人位於知班之北東西相向內贊二人位於殿上東西相向引文武班舍人

四人位於文武班之北稍後東西相向是日宿衛陳兵
仗於東宮外門之東西陳旗仗於中門外之東西將軍
六人於殿門之東西拱衛司陳儀仗於殿庭階上下之
東西和聲郎陳樂於文武官拜位之南內使擎執於殿
上之左右文武官進箋至午門前禮部官以箋函置於
案舍人舉入東宮門外恭候行禮文武官於奉天門行
賀禮畢常服詣東宮文武西分立於門外受箋官通
贊贊禮知班內贊各入就位引進啓外備皇太子常服

出宮至殿門樂作陞殿樂止舍人舉箋案入宣箋官展
箋官押案置於庭各就位引班引文武官入就位知班
唱班齊贊禮唱鞠躬樂作四拜樂止贊禮唱進箋受箋
官進至案之東北引班引丞相至案前丞相跪捧箋興
與宣箋官展箋官由西陞陞西門入至殿內置於案退
立於殿南正中內贊唱跪贊禮唱衆官皆跪丞相與丹
墀百官皆跪內贊唱宣箋宣箋官詣案前取箋跪宣於
殿西展箋官同跪展箋宣箋官宣箋畢俯伏興退立於

西展箋官以箋復於案退立於西內贊贊禮同唱俯伏
興丞相與百官皆俯伏興平身丞相與宣箋官展箋官
由殿西門出西陛降復位贊禮唱鞠躬樂作四拜樂止
贊禮唱禮畢引進啓禮畢舍人舉箋案出皇太子興樂
作引進引還宮樂止引禮引文武官以次出

成化二十三年續定

祭告

其日清晨上親告奉先殿

用祝文

冊立

前期鴻臚寺設節冊寶案於奉天殿中冊東寶西節居
中設綵輿於丹墀之東教坊司設中和韶樂及大樂是
日早錦衣衛設鹵簿駕上具皮弁服御華蓋殿執事官
行禮如常儀鴻臚寺奏請陞殿導駕官前導上陞座鳴
鞭文武百官朝服行叩頭禮侍班引禮引正副使入就
拜位贊四拜傳制官跪奏傳制執事官舉節冊寶案由
殿左門出置御道中傳制官由左門出稱有制贊正副

使跪制曰某年某月某日冊封第幾子某為某王命卿等持節行禮贊俯伏興四拜禮畢執事官舉節冊寶置於綵輿中用黃傘蓋及大樂送至右順門外正副使朝北立仍用內樂迎綵輿至各王所居門外內執事先設香案於中堂之北設節冊寶案於香案之南王先具服候節冊寶將至出迎於門外內執事捧節冊寶由正門入先行王隨行至王所居正中各置於案冊東寶西節居中內執事導引王就拜位贊四拜樂作興平身樂止

贊宣冊贊詣冊案前贊跪宣冊內官取冊立宣訖贊受冊捧冊內官以冊授王王受訖以冊授內侍內侍跪受立於西贊授寶捧寶內官以寶授王王受訖以寶授內侍內侍跪受立於西贊俯伏樂作興平身樂止贊復位贊四拜樂作興平身樂止贊禮畢內導引引王送節出門外內執事捧節出授正副使報禮畢正副使持節復命

謁告謝恩

是日親王受冊寶畢內侍引詣奉先殿謁告如常儀謁告畢內侍引親王詣皇太后前行八拜禮詣上前皇后前俱行八拜禮詣母妃及皇妃及東宮并妃前各行四拜禮畢回宮

慶賀

次日文武百官常服致詞稱賀行禮畢司禮監請各王具常服俱詣奉天門前東廡坐百官常服行四拜禮

親王妃冊立儀

與冊立皇太子妃同

公主冊立儀

皇明祖訓公主授以金冊婿皆稱駙馬都尉賜誥命皇

姑曰大長公主皇姊妹曰長公主皇女曰公主

自公主以上俱

冊受金冊立儀冊文

俱見婚禮

明會典卷四十七

欽定四庫全書

明會典卷四十八

禮部七

皇太后上尊號儀

洪熙元年定

告祭

前期太常寺官具奏致齋三日遣官祭告天地宗廟社稷上親告太宗皇帝几筵大行皇帝几筵

上冊寶

前期禮部移文各衙門是日鳴鐘鼓百官具朝服隨班
行禮前一日內侍官於奉天門設冊寶綵輿冊東寶西
設香亭一於冊寶綵輿之南正中教坊司設中和韶樂
及大樂設而不作是日早錦衣衛陳設如常儀內官設
皇太后寶座於宮中陳設儀仗於丹陛上及丹墀內設
冊寶案一於皇太后寶座前又設香案一於冊寶案前
設皇帝拜位於丹陛上正中設親王拜位於丹墀內設

內贊二人引禮二人設女樂於丹陛上設而不作至期
皇帝臨奉天門內捧冊寶官捧冊寶俟皇帝具冕服出
捧置於綵輿內侍官舉輿導駕官導引皇帝隨綵輿後
降階陞輅百官於金水橋南北向序立俟寶冊輿至皆
跪既過興隨至思善門外橋南北向序立俟皇帝至思善
門內降輅女官請皇太后陞座冊寶輿由中門進至宮
中丹陛上置於皇帝拜位前冊東寶西內引禮官導引
皇帝由左門入至丹陛上右邊北向立內贊唱執事官

各司其事引禮官導引皇帝至拜位親王具冕服各就拜位奏四拜傳唱鴻臚寺贊百官皆四拜畢捧冊寶官於綵輿內取冊寶捧由殿中門入至皇太后前左邊立皇帝由殿左門入至拜位奏跪傳唱親王百官皆跪奏搢圭進冊捧冊官以冊跪進於皇帝右皇帝受冊獻訖以授執事官執事官跪受置於案上之左奏進寶捧寶官以寶跪進於皇帝右皇帝受寶獻訖以授執事官執事官跪受置於案上之右奏出圭奏宣冊執事官跪宣

讀訖奏宣寶執事官跪宣讀訖奏俯伏興平身傳唱同
奏復位導引皇帝由左門出至拜位奏四拜傳唱百官
同四拜畢奏禮畢駕興

謁謝

是日皇太后受冊寶畢俟皇后皇妃俱受冊寶畢內官
先具謁告儀物翰林院具謁謝文皇太后皇帝皇后皇
妃各具服訖皇帝奉皇太后及率皇后皇妃祇謁奉先
殿及詣太宗文皇帝几筵大行皇帝几筵前行謁謝禮

如常儀

慶賀

是日皇太后行謁謝禮畢仍於宮中服燕居冠服陞座
儀仗女樂如前陳設女冠具服侍班如常儀內引禮官
引皇帝皇后皇妃親王公主及六尚等女官行慶賀禮
如常儀 次日外命婦四品以上入進表箋女官先於
皇太后宮中左門外設表箋案儀仗女樂陳設及侍班
如前儀命婦是日早於長安左右門入俱由西華門進

至宮門外候引禮內官引入丹墀內東西相向立皇太后服燕居冠服陞座引禮官引命婦入班贊四拜贊跪贊進表引表案女官二人前導女官舉表案由左門入至皇太后前置訖贊興贊四拜贊禮畢駕興

太皇太后上尊號儀

與前同

皇太后上徽號儀

天順二年定

告祭

先期四日太常寺官宿於本寺次日早具奏致齋三日遣官祭告天地宗廟社稷其祭儀用果酒脯醢香帛迎神四拜行一獻禮讀祝送神四拜禮畢

上冊寶

前期禮部移文各衙門是日鳴鐘鼓百官具朝服隨班行禮前一日內侍官設冊寶案於奉天殿冊東寶西設冊寶設綵輿於丹墀內設香亭一於冊寶輿前教坊司陳設中和韶樂及大樂是日早錦衣衛設鹵簿大駕如

常儀前一日女官設皇太后寶座於宮中設冊寶二案於寶座前冊東寶西設香案於冊寶案前設皇帝拜位於丹陛上正中皇太子親王拜位列於後又設皇帝進冊寶位於宮門內正中設內贊二人引禮二人內官設儀仗於丹陛丹墀東西女官擎執者立於寶座之左右鐘鼓司設樂於丹陛東西北向是日早上御華蓋殿具冕服鴻臚寺官奏請行禮導駕官導引上出至奉天殿冊寶官捧冊寶置於案內侍官舉案由殿中門出導駕

官導引上隨行至丹陛下捧冊寶官取冊寶置於綵輿
內侍官舉輿上陞輅隨輿後百官於金水橋南北向序
立候冊寶綵輿至皆跪過畢輿隨至文華門外候上至
清寧門內降輅趨至門外北向立女官請皇太后陞座
皇太后具服出導從如常儀樂作陞座冊寶綵輿由中
門進至宮中丹陛上置於皇帝拜位前冊東寶西內引
禮官導引上由左門入至丹陛左北向立樂止內贊唱
執事官各司其事引禮官導引上至拜位皇太子親王

具冕服陪班行禮奏拜樂作四拜樂止傳唱鴻臚寺贊
百官皆四拜畢捧冊寶官於綵輿內取冊寶捧由中門
入至皇太后前左立上由左門入至拜位奏跪傳唱皇
太子及親王百官皆跪奏摺圭進冊捧冊官以冊跪進
於上左受冊奏宣冊上以冊授執事官執事官跪受於
上右宣讀訖捧置於案奏進寶捧寶官以寶跪進於上
左上受寶以授執事官執事官跪受於上右捧置於案
奏出圭俯伏興傳唱同奏復位導引禮官導上由左門

出至拜位奏拜樂作四拜樂止傳唱百官同四拜畢致
詞官於丹陛上跪奏於上左曰嗣皇帝臣伏惟皇太后
陛下功德兼隆顯崇徽號永膺福壽率土同歡畢贊拜
樂作四拜樂止傳唱百官同四拜奏禮畢駕興

謁告

是日皇太后受冊寶畢內官先具謁告儀物皇太后具
冠服詣奉先殿行謁告禮如常儀

受賀

是日皇太后行謁告禮畢仍御宮中服燕居服陞座儀仗及樂如前陳設內引禮官引皇后皇妃公主行慶賀禮如常儀禮畢文武百官詣清寧宮前門外上表慶賀行四拜禮司禮監官捧表進仍行四拜禮畢次日命婦進表慶賀前期一日女官設皇太后御座於宮中設香案於丹墀之南其日清晨內官設儀仗於丹陛之東西及丹墀東西女官擎執者立於御座之左右陳女樂於丹陛東西北向設表案於殿東門外設命婦拜位於丹

墀北向設司贊位於丹墀東西設司賓位於命婦拜位之北東西相向設內贊二人位於殿內東西命婦至宮門外司賓引命婦入就拜位女官具服侍班如常儀尚宮尚儀等官詣內奉迎尚儀奏請陞座皇太后具服出導從如常儀樂作陞座樂止司贊唱班齊樂作贊四拜樂止外贊唱進表引表案女官前導舉表案女官二人舉案由殿東門入樂作至殿中樂止贊衆命婦跪內贊唱宣表展表女官詣案前取表跪展宣表女官詣案前

跪宣訖興女官舉表案置於殿東外贊命婦皆興樂作
贊四拜樂止司賓引班首命婦由東階陞樂作自東門
入至殿中樂止內贊唱跪班首跪外贊衆命婦皆跪內
贊官跪於班首之左代致詞云某夫人妾某氏等恭惟
皇太后陛下德同坤厚允協徽稱壽福無疆輿情歡戴
畢內贊司贊同唱俯伏興班首及衆命婦皆興司賓引
班首由西門出降自西階樂作至拜位樂止贊拜樂作
四拜樂止尚儀跪奏禮畢皇太后興樂作還宮樂止引

禮官引命婦以次出

頒詔

又次日上御奉天殿文武百官上表行慶賀禮畢頒詔
天下如常儀

明會典卷四十八

欽定四庫全書

明會典卷四十九

禮部八

耕籍

洪武二年定

皇帝祀先農畢太常卿奏請詣耕籍位皇帝至位南向立公侯以下及應從耕者各就耕位戶部尚書北面進耒太常卿導引皇帝耒三推戶部尚書跪受耒太常

卿奏請復位南面坐三公五推尚書九推各退就位太常卿奏禮畢太常卿導引皇帝還大次應天府尹及上元江寧兩縣令率庶人終畝是日宴勞百官耆宿於壇所

永樂間續定

凡祭先農畢駕至籍田所戶部尚書捧鞭跪進教坊司官率其屬作樂隨駕行三推禮畢駕至儀門陞座樂作觀三公九卿耕訖教坊司承應用大樂百戲畢跪奏致

語駕至殿內陞座進湯進膳俱用樂畢順天府官率耆
老人等謝恩樂作禮畢樂止次百官行禮樂作禮畢樂
止賜百官酒飯百官復入班行禮樂作禮畢樂止尚膳
官進膳樂作進訖樂止百官入席教坊司官奏一奏本
太初之曲進酒樂作進訖樂止進膳樂作進訖樂止教
坊司官跪奏進湯樂作徹湯樂止二奏仰大明之曲進
酒進膳進湯如前儀三奏民初生之曲進酒進膳進湯
如前儀徹御案畢樂止百官復入班行禮樂作禮畢樂

止鴻臚寺官奏禮畢駕還

視學

洪武十五年定

前期一日有司洒掃殿堂設御幄于大成門東上南向
設御座于彝倫堂至日學官率諸生迎駕于成賢街左
駕至學官及諸生俯伏叩頭輿駕入靈星門止于大成
門外上入御幄禮官入奏請具皮弁服次請行禮導引
官導上出御幄就御位百官各就位導引官導上詣盥

洗位搯圭盥帨出圭詣酒尊酌酒詣先師神位前再拜百官皆再拜搯圭執事官跪進爵上獻爵授執事官奠于神位前出圭再拜百官皆再拜四配十哲兩廡分獻如常儀導引官導上入御幄易常服升輿詣學學官率諸生先列于堂下東西上至彝倫堂升御座贊唱學官諸生行禮五拜叩頭東西序立于堂下三品以上及侍從官以次入堂東西序立贊進講祭酒司業博士助教四人以次升堂由西門入至堂中贊舉經案于御前

禮部官奏請授經于講官祭酒跪受賜講官坐乃以經置講案叩頭就西南隅設几榻坐講賜大臣及翰林儒臣坐皆叩頭序坐于東西諸生圍立以聽講畢祭酒叩頭退就本位司業博士助教各以次進講畢出堂門復位贊唱有制學官諸生列班俱北面跪聽宣諭五拜叩頭禮畢學官率諸生出成賢街跪俟駕還明日祭酒率學官上表謝恩

成化元年續定

前期一日太常寺備祭儀設大成樂器于殿上列樂舞生于階下之東西國子監洒掃殿室內外錦衣衛設御幄于大成門之東上南向設御座于彝倫堂正中鴻臚寺設經案于堂內之左設講案于堂內之西南至日置經于經案錦衣衛設鹵簿駕教坊司設大樂舊不用樂至是始用俱于午門外是日早百官免朝先詣國子監門外迎駕分獻陪祀官先詣國子監具祭服伺候行禮駕從東長安門出鹵簿大樂以次前導樂設而不作太常寺先陳

設祭儀于各神位前設酒罇爵如常儀

舊不用牲至是始用

執事

設上拜位于先師神位前正中是日學官率諸生迎上
至大成門外入御幄禮官入奏請具服上具皮弁服訖
奏請行禮導引官導上出御幄中道詣大成殿陞上典
儀唱執事官各司其事執事官各先斟酌于爵候導上
至拜位贊就位百官亦各就拜位四配十哲分獻官各
詣廡前俱北向立贊迎神樂作樂止贊上鞠躬拜興拜
興平身通贊百官行禮同贊搢圭上搢圭執事官跪進

爵樂作上受爵獻畢復授執事官奠于神位前樂止贊
出圭上出圭四配十哲兩廡分獻官以次詣神位前奠
爵訖仍以次出殿門外東西向立典儀唱送神樂作樂
止贊上鞠躬拜興拜興平身通贊陪祀官行禮同導引
官導上由中道出分獻官以次退上入御幄易常服訖
禮官入奏請幸彝倫堂上升輿禮官前導由靈星門出
從太學門入諸生先分別于堂下東西學官列于諸生
前駕至學官諸生跪伺駕過然後起仍前序立百官分

列堂外稍上左右侍立上至彝倫堂升御座贊學官諸生行五拜叩頭禮武官都督以上文官三品以上及翰林院學士升堂執事官各以次序立贊進講祭酒司業以次升堂由東西小門入至堂中執事官舉案于御前禮官奏請授經于講官祭酒跪受經受畢上賜講官坐祭酒乃以經置講案叩頭就西南几榻坐講上賜武官都督以上文官三品以上及翰林院學士坐皆叩頭序坐于東西諸生圍立于外以聽祭酒講畢叩頭退就本

位司業進講如儀畢出堂門復位贊有制學官諸生列班俱北面跪聽宣諭畢贊行五拜叩頭禮畢學官諸生以次退先從東西小門出列于成賢街之右伺候尚膳監進茶御前上命光祿寺賜各官茶畢各官退列于堂門外叩頭序立駕興升輿由太學門出升輦鹵簿大樂前導樂作駕出太學門學官諸生伺候駕至跪叩頭退百官常服先詣午門外伺候駕還鹵簿大樂止于午門外上御奉天門鳴鞭百官常服鴻臚寺致詞行慶賀禮畢

鳴鞭駕興還宮百官退明日國子監祭酒率學官監生
上表謝恩上具皮弁服御奉天殿錦衣衛設丹陛駕百
官朝服侍班行禮畢上易服御奉天門禮部引奏賜祭
酒司業學官及三氏子孫衣服諸生鈔錠畢駕還是日
上御奉天門賜宴武官都督以上文官三品以上翰林
院學士及祭酒司業學官三氏子孫與宴又明日祭酒
司業率學官監生謝恩上賜勅勉勵師生祭酒捧出師
生迎導至太學開讀行禮如儀再明日祭酒司業率學

官監生復謝恩弘治元年莫加幣牲用太牢致齋一日
餘如成化元年儀

視學樂

視學還導駕樂章御鑾歌神歡之曲臣聞古帝王受天
命統四方宵衣旰食治道章一心誠敬感昊蒼龍翔鶴
舞神心樂康臣民讚時皇萬壽無疆駕至奉天門陞座

樂章萬歲樂與朝賀同朝天子與朝賀同還宮樂章萬歲樂前同

大射禮

洪武三年定

凡遇郊廟之祭先期命文武官執事行大射之禮工部
制虎中鹿中及諸侯卿大夫射侯等器其儀按周禮大
司馬之職王大射則合諸侯之耦其屬有射人掌張三
侯司弓矢掌六弓八矢之法服不氏掌贊張侯以旌居
之而待獲古大司馬今兵部之職也今以兵部掌之其
射鵠有七虎鵠五采天子射用之熊鵠五采皇太子射
用之豹鵠五采親王射用之豹鵠四采一品二品文武

官射用之糝鵠三采三品至五品文武官射用之狐鵠
二采六品至九品文武官射用之布鵠無采文武官子
弟及士民俊秀射用之乏又名容凡射時置于鵠右執
旗及待獲者以蔽身設福并韋當射時置于前以齊矢
設射中五皮樹中天子大射用之閭中天子宴射用之
虎中皇太子親王射通用之兕中一品至五品文武官
用之鹿中六品至九品及文武官子弟士民俊秀通用之
其職事設司正官二負掌驗射者品級尊卑人力強弱

而定耦其中否則書於筭兵部官職之司射二員掌先以強弓射鵠誘射以鼓衆氣以武職官充之司射器官二員掌辨弓力強弱分為三等驗人力強弱而授之工部官職之舉爵者掌以馬潼授中者飲光祿寺官職之請射者掌定耦射射畢再請某耦射每鵠二人侍儀司職之待獲者掌矢納于司射器者以各隸僕共其役執旗者掌于容後執五色旗如射者中的舉紅旗應之中采舉采旗應之偏西舉白旗偏東舉青旗過于鵠舉黃

旗不及鵠舉黑旗以軍士二人掌之設引禮二人掌引
文武官進退命侍儀司舍人職之

明會典卷四十九

欽定四庫全書

明會典卷五十

禮部九

經筵

國初經筵無定日或令文學侍從之臣講說亦無定所
正統初始著為儀累朝因之

經筵初開儀

凡經筵初開勅勳臣一人知經筵事內閣學士或知或

同知經筵事六部尚書左右都御史通政使大理寺卿
及學士等官侍班翰林院春坊等官及國子監祭酒二
員進講翰林春坊等官二員展書給事中御史各二員
侍儀鴻臚寺錦衣衛堂上官各一員供事又鳴贊一員
贊禮序班四員舉案候伯一人領將軍先期直殿內官
於文華殿設御座又設御案於殿內御座之東稍南設
講案於御案之南稍東是日早司禮監官先陳所講四
書經史各一冊置御案又各一冊置講案皆四書東經

史西先期講官撰四書經或史講章各一篇預置於冊
內是日早上御奉天門早朝畢退御文華殿陞御座將
軍侍衛如儀鴻臚寺官引知經筵及侍班講讀執事侍
儀等官於丹陛上行五拜三叩頭禮畢以次上殿依品
級東西序立知經筵官序於侍班官上侍儀御史給事
中各二員於殿內之南分東西北向立序班二員舉御
案置御座前二員舉講案置御案之南正中鴻臚寺官
贊進講講官一員從東班出一員從西班出詣講案前

稍南北向並立鴻臚寺官贊鞠躬拜叩頭興平身畢展書官一員從東班出進詣御案前跪展四書畢起退立於御案之東稍南講官一員進至講案前立奏講某書講畢稍退展書官復詣御案前跪掩四書畢退就東班又展書官一員從西班出進詣御案前跪展經畢起退立于御案之西稍南講官一員進至講案前立奏講某經或某史畢少退仍並立展書官復詣御案前跪掩書畢退就西班鴻臚寺贊講官鞠躬拜叩頭興平身禮畢

各退就東西班序班二員舉御案二員舉講案退置原所鴻臚寺官贊禮畢命賜宴鴻臚寺官及各官皆跪承旨光祿寺官設宴于左順門宴畢叩頭出

月講常儀

每月初二十二二十二日會講先期司禮監官陳設書籍御案如前儀至期候上御文華殿侍衛侍儀執事進講賜宴禮同但各官止行叩頭禮

日講常儀

凡日講止用講讀官內閣學士侍班不用侍衛侍儀執事等官侍班講讀等官入見行叩頭禮東西分立先讀四書次讀經或讀史每本讀十數遍後講官先講四書次講經或講史務在直說大義明白易曉講讀後侍書官侍上習書畢各官叩頭退

東宮出閣講學

天順二年定

初出閣儀

是日早侍衛侍儀如常儀執事等官於文華後殿行四拜禮畢鴻臚寺官請皇太子陞文華殿執事官導引至殿陞座師保等官于丹陛上行四拜禮畢各官退出內侍官導皇太子至後殿陞座以書案進每日侍班侍讀講官八分班東西立內侍展書侍讀講官以次進讀叩頭而退

每日講讀儀

一每日早朝退後皇太子出閣陞座內侍以書案進不

卷五十一
用侍衛侍儀執事等官惟侍班侍讀講官入行叩頭禮
畢分班東西向立內侍展書先讀四書則東班侍讀官
向前伴讀十數遍退復原班次讀經書或讀史書則西
班侍讀官向前伴讀亦如之務要字音正當句讀分明
讀畢各官退

一每日巳時侍班侍讀侍講及侍書官俟皇太子陞座
畢入東西向立侍班內侍展書先講早所讀四書則東
班侍講官進講一遍退復原班次講早所讀經史書則

西班侍講官進講亦然務要直言解說明白易曉講畢
內侍收書訖侍書官向前侍習寫字務要開說筆法點
畫端楷寫畢各官叩頭而退

一午膳後從容遊息或習騎射

一每日晚讀本日所授書各數遍至熟而止

一凡讀書三日後一溫須背誦成熟過溫書日免授新
書講官通講須曉大義

一凡寫字春夏秋月每日寫一百字冬月每日寫五十

字

一凡遇朔望節假及大風雨雪隆寒盛夏暑暫停講讀寫字

諸王讀書儀

天順二年定

一初入書堂其日早王至右順門之北書堂面東中坐提督講讀并講讀官行四拜禮畢內官捧書展于案上就案左立講讀官進立于案右伴讀十遍叩頭退

一每日講讀清晨王至書堂講讀官行叩頭禮伴讀十
遍出飯後復詣書堂伴讀看寫字畢講書直說大意畢
仍叩頭退內侍以所寫字送內閣點看

明會典卷五十

欽定四庫全書

明會典卷五十一

禮部十

巡狩

永樂六年定

一詔誥天下諸司及各處鎮守總兵官知會

一禮部預行各處凡有重事并四夷來朝俱達行在所
仍具本啓聞其餘事務奏啓俱達京師啓聞施行事有

疑礙者在京合該衙門具奏取自上裁凡進拜表箋表
文達行在所箋文達京師

一禮部預行經過所在軍民衙門俟車駕至官吏生員
耆老朝見及預行北京畿內文武衙門令掌印官俟車
駕至朝見

一祭祀車駕將發奏告天地社稷太廟孝陵祭大江旗
纛等神輒祭於承天門其經過處所滁州遣官祭滁陽
王泗州遣官祭祖陵鳳陽祭皇陵祭淮關里遣官祭先

師孔子望祭太山緣途古先聖賢忠臣烈士祠墳禮部
預期奏聞遣官致祭將至北京境上設壇祭北京山川
等神車駕至北京奏告天地祭告境內山川等神

一扈從在京馬步軍五萬人內馬軍一萬步軍四萬馬軍
五千步軍五千充駕前軍餘馬軍五千步軍三萬五千
分五軍率領每軍馬軍一千步軍七千以都指揮指揮
千百戶管領錦衣衛仍選將軍五百人校尉二千五百
人力士二千人

一侍從五府都督各一員首領官一員吏六人吏部堂
上官一員文選等四司官五員辦事官二十員歷事監
生四十人人材五十人吏十人戶部堂上官一員北京
等十二司官十三員辦事官十員吏二十四人禮部堂
上官二員儀制等四司官七員辦事官十員吏十二人
鑄印局官一員吏一人匠六人兵部堂上官一員武選
等四司官七員辦事官五員吏十五人刑部堂上官一
員浙江等十二司官十二員辦事官五員吏十三人工

部堂上官二員營繕等四司官十員辦事官二十員吏
十五人都察院堂上官一員浙江等十二道監察御史
二十四員辦事官五員吏二十四人通政司堂上官二
員首領官一員吏六人大理寺堂上官一員左右寺官
六員吏十人太常寺堂上官二員首領官一員吏二人
贊禮郎四員協律郎一員司樂一員樂舞生二十人厨
子五十人光祿寺堂上官三員首領官一員署官十七
員辦事官六員吏三人厨子一千人鴻臚寺堂上官四

員首領官一員司賓司儀二署各一員序班四十員鳴贊四員及通曉夷語者斟酌帶去翰林院內閣官三員侍講修撰典籍等官六員書制勅秀才八人及譯寫四夷文字監生十三人尚寶司官二員吏科給事中三員戶科給事中三員禮科給事中四員兵科給事中三員刑科給事中三員工科給事中三員中書舍人四員寫誥秀才五人行人司行人十員太醫院堂上官二員御醫二員生藥庫官一員醫士摘選三分之一吏三人欽

天監官三員天文生十五人教坊司奉鑿韶舞司樂各一員俳優長色長樂工斟酌用之

一扈從文武官軍人等陸路文武官員一等寫制誥秀才譯字監生緊用供應醫士天文生及厨役人等俱給馬騾驢匹馬官給外脚力驢給鈔六十錠令自備辦事官監生人材吏典及醫士厨役等非緊用者人給脚力鈔二十錠隨伍官員將軍校尉力士旗軍每二人給驢一匹如不敷亦給鈔六十錠自備水路俱應付船隻遇

陸路應付車輛

一緣途各站每站增馬二十匹令附近衛所馬軍內差撥仍令附近有司備車一百輛無車之處起夫五百人聽候

一經過處所支給糧草扈從官員人等日給行糧二升馬日給料四升草一束驢料一升草一束

一車駕將發宴在京文武羣臣賜扈從文武官員軍校人等鈔公五十錠侯四十錠伯三十錠一品二品二十

錠三品四品十五錠五品十二錠六品七品十錠八品
九品八錠未入流及辦事官將軍總小旗人鈔七錠將
軍及各衛總小旗人鈔六錠監生秀才吏典人材醫士
樂舞生軍校力士厨子工匠人鈔五錠軍伴皂隸樂工
人等鈔四錠在外衛所扈從及各處駐劄官軍依京衛
官軍例給賞

一車駕至北京宴文武羣臣耆老賜官員人等及命婦
鈔其嘗守城命婦論次行賞

一恭遇萬壽聖節公侯駙馬伯文武官四品以上近侍
官及監察御史預宴五品以下并辦事官監生秀才吏
典軍民工匠人等依例賜鈔一錠

一五軍六部都察院大理寺錦衣衛各鑄印信通政司
鴻臚寺各鑄關防

一扈從官員有牙牌者隨身懸帶以憑關防出入

一經過郡縣分遣廷臣考覈守令賢否即加黜陟分令
給事中監察御史存問高年賜幣帛酒肉

一經過鳳陽陵戶及親戚人賜鈔六錠者老迎見者人鈔三錠泗州陵戶親戚者老迎見者賞如之

親征

明集禮

國朝親征祭告天地宗廟社稷禡祭旗纛所過山川皆行祭告師還奏凱獻俘于廟社以露布詔天下然後論功行賞諸將既受封賞皆具表箋稱謝

類于上帝

前期擇日祭告天地服武弁乘革輅備六軍以牲犢幣帛作樂行三獻之禮

造于太廟

前期擇日皇帝服武弁乘革輅備六軍祭告太廟每廟用牲幣行三獻之禮其儀皆同時享但凱還則陳俘奏凱於廟南門外

宜于大社

前期擇日皇帝服武弁乘革輅備六軍以牲犢幣帛作

樂行三獻之禮其儀同春秋祭社稷之儀但凱還則陳
俘奏凱于社北門外

禡祭儀

齋戒

皇帝清齋一日大將陪祭官以下皆清齋一日

省牲

前期二日設皇帝大次于廟庭之東皇太子次于大次
之東皇帝省牲位於南門外前一日導駕官同太常卿

導引車駕詣大次太常卿奏中嚴皇帝服通天冠絳紗袍太常卿奏外辦導駕官同太常卿導引皇帝至省牲位執事者各執事廩犧令率其屬率牲自東西行過御前省訖率詣神厨太常卿奏請詣神厨導駕官同太常卿導引皇帝至神厨太常卿奏請視鼎鑊請視滌漑遂烹牲導駕官同太常卿導引皇帝還大次

陳設

前一日所司洒掃廟之內外執事設軍牙六纛于廟殿

中之北置軍牙神位在東六纛神位在西設籩十有二
于神位之東為三行西上豆十有二于神位之西為三
行東上簋籩各二于籩豆之間簋在東籩在西鉶三登
三于籩豆之前俎三于登鉶之前香案于俎之前爵拈
于香案之前沙池于爵拈之前設酒尊所于廟庭之東
幣篚位于酒尊之北爵洗位于酒尊之南御洗位于爵
洗之南瘞坎位于神位之西北設席於坎位之前上置
酒碗五事及斟酒器具雄雞五隻以侑酌神設御位于

廟庭之南正中北向大將及陪祭官位于御位之南異等重行文東武西皆北向司尊司爵洗司盥洗執爵司幣執事各于其位設御史位于香案前左右贊禮位于御史之南東西相向傳贊位于贊禮之南

正祭

祭日清晨建牙旗六纛于神位之後牙旗在東六纛在西太常少卿率執事者各實尊罍籩豆簋盞登鉶實幣于篚置于酒尊所置祝版于神位之右齋郎舉牲俎入

陳于案樂工執事官各服其服入就位陪祭官及諸將
官服其服入就位太常卿奏請中嚴皇帝服武弁服太
常卿奏外辦導駕官同太常卿導引皇帝自左南門入
至位北向立

迎神

贊禮唱迎神大樂作贊禮唱請行禮太常卿奏有司謹
具請行事太常卿奏鞠躬拜興拜興平身皇帝鞠躬樂
作拜興拜興平身樂止贊禮唱在位官皆再拜傳贊唱

金史卷之八十一
卷五十一
鞠躬拜興拜興平身在位官皆鞠躬拜興拜興平身

奠幣行初獻禮

贊禮唱奠幣行初獻禮太常卿奏詣盥洗位導駕官同
太常卿導引皇帝至盥洗位太常卿奏揖主皇帝揖主
太常卿奏盥洗手司盥洗者酌水皇帝盥洗手太常卿奏悅
手司中者以巾進皇帝悅手太常卿奏出主皇帝出主
太常卿奏請詣爵洗位導駕官同太常卿導引皇帝至
爵洗位太常卿奏揖主皇帝揖主執爵官以爵進太常

卿奏受爵皇帝受爵司爵洗者酌水太常卿奏滌爵皇
帝滌爵司中者以巾進太常卿奏拭爵皇帝拭爵太常
卿奏以爵授執事者皇帝以爵授執爵官再以爵進太
常卿奏受爵皇帝受爵司爵洗者酌水太常卿奏滌爵
皇帝滌爵司中者以巾進太常卿奏拭爵皇帝拭爵太
常卿奏以爵授執事者皇帝以爵授執爵官太常卿奏
出圭皇帝出圭太常卿奏請詣酒尊所導駕官同太常
卿導引皇帝詣酒尊所執爵官捧爵從行至酒尊所太

常卿奏措圭皇帝措圭執爵官以爵進太常卿奏受爵
皇帝受爵司尊者舉幕酌醴齊太常卿奏以爵授執事
者皇帝以爵授執爵官執爵官復以爵進太常卿奏受
爵皇帝受爵司尊者酌醴齊太常卿奏以爵授執事者
皇帝以爵授執爵官太常卿奏出圭皇帝出圭太常卿
奏請詣軍牙神位前執爵官捧爵司幣者捧幣前行導
駕官同太常卿導引皇帝升廟壇樂作至神位前太常
卿奏跪措圭皇帝跪措圭司香官奉香跪進于皇帝之

左太常卿奏上香上香三上香皇帝上香上香三上香
司幣者奉幣跪進于皇帝之右皇帝受幣司幣者興還
本位太常卿奏奠幣皇帝奠幣執爵官奉爵跪進于皇
帝之右皇帝受爵執爵官興還本位太常卿奏祭酒祭
酒三祭酒奠爵皇帝祭酒祭酒三祭酒奠爵太常卿奏
出圭皇帝出圭樂止讀祝官取祝版于神之右跪讀訖
興以祝版復置于坫退還位太常卿奏俯伏興拜興拜
興平身樂止太常卿奏請詣六纛神位前導駕官同太

常卿導引皇帝詣六纛神位前司幣者捧幣執爵官捧爵前行至神位前樂作其 upper 香奠幣祭酒讀祝並如軍牙神位前之儀太常卿奏復位導駕官同太常卿導引皇帝復位

亞獻

贊禮唱行亞獻禮其儀與初獻同但不奠幣讀祝酒酌醴齊

終獻

贊禮唱行終獻禮其儀與亞獻同

飲福

贊禮唱飲福受酢執事者酌福酒減神前胙肉太常卿
奏詣飲福位導駕官同太常卿導引皇帝至牙纛神位
前飲福位北向立太常卿奏鞠躬拜興拜興平身樂止
太常卿奏跪搯圭皇帝跪搯圭執事奉福酒跪進于皇
帝之右太常卿奏飲福酒皇帝受爵祭酒少許飲福酒
太常卿奏奠爵皇帝奠爵訖捧胙官捧胙跪進于皇帝

之右太常卿奏受胙皇帝受胙以胙授左右左右跪受
胙太常卿奏出圭皇帝出圭太常卿奏俯伏興拜興拜
平身皇帝俯伏興樂作拜興拜興平身樂止太常卿奏
請復位導駕官同太常卿導引皇帝復位

徹豆

贊禮唱徹豆樂作掌祭官各徹豆樂止贊禮唱賜胙太
常卿奏皇帝飲福受胙免拜贊禮唱在位陪祭官皆再
拜傳贊唱鞠躬拜興拜興平身在位陪祭官皆鞠躬拜

興拜興平身

送神

贊禮官唱送神太常卿奏鞠躬拜興拜興平身皇帝鞠
躬樂作拜興拜興平身樂止贊禮唱在位陪祭官皆再
拜傳贊唱鞠躬拜興拜興平身在位陪祭官皆鞠躬拜
興拜興平身

望燎

贊禮唱望燎讀祝官取祝捧幣官取幣掌祭官取饌詣

望燎所太常卿奏詣望燎位導駕官同太常卿導引皇
帝至望燎位贊禮唱可燎東西面各二人以炬燎執事
殺雞刺血於酒碗中酌神訖擲雞於西下燎將半太常
卿奏禮畢導駕官同太常卿導引皇帝還大次解嚴

祭所過山川儀

齋戒

皇帝齋戒一日陪祭官及執事官皆齋戒一日前期命

有司具牢饌

嶽鎮海瀆用太牢中山用少牢川用特牲若行速則用酒脯而已

省牲

前次設皇帝大次於廟庭之東設皇帝省牲位於廟南門外前一日導駕官同引禮官導引車駕詣大次引禮官奏中嚴皇帝服通天冠絳紗袍引禮官奏外辦導駕官同引禮官導引皇帝至省牲位執事官各執事廩犧令率其屬牽牲自東西行過御前省訖牽詣神厨引禮官奏請詣神厨導駕官同引禮官導引皇帝至神厨引禮官奏請視鼎鑊請視滌漑訖遂烹牲導駕官同引禮

官導引皇帝還大次

陳設

前祭設籩豆各一于神前

籩實鹿脯
豆實鹿鷓

設牲饌于神位之

前設香案于牲饌之前設爵坫于香案之前沙池于爵

坫之前設酒尊所于廟庭之東西向爵洗於酒尊之南

御洗于爵洗之南設御位于廟庭之南北向陪祭官位

御位之南異位重行文東武西北向司幣司尊司爵洗

執爵執事各于其位設典儀位于廟庭之南東西相向

傳贊位于典儀之南東西相向

正祭

祭日清晨掌祭官各實酒饌脯醢於器實幣於筐置酒尊所置祝版於神位之右陳牲于神位之前執事各服其服入就位陪祭官服其服入就位引禮官奏請中嚴皇帝服武弁引禮官奏外辦導駕官同引禮官導引皇帝自左南門入至位北向立

迎神

典儀唱迎神大樂作典儀唱行禮引禮官奏有司謹具
請行事奏鞠躬拜興拜興平身皇帝鞠躬樂作拜興拜
興平身在位官皆鞠躬拜興拜興平身

奠幣行酌獻禮

典儀唱奠幣行酌獻禮引禮官奏請詣盥洗位導駕官
同引禮官導引皇帝至盥洗位引禮官奏搯圭皇帝搯
圭引禮官奏盥洗手司盥洗者酌水皇帝盥洗手引禮官奏
悅手司巾者以巾進皇帝悅手引禮官奏出圭皇帝出

主引禮官奏請詣爵洗位導駕官同太常卿導引皇帝
至爵洗位引禮官奏搯圭皇帝搯圭執爵官以爵進引
禮官奏受爵皇帝受爵司爵洗者酌水引禮官奏滌爵
皇帝滌爵司巾者進巾引禮官奏拭爵皇帝拭爵引禮
官奏以爵授執爵官皇帝以爵授執爵官引禮官奏出
圭皇帝出圭引禮官奏請詣酒尊所導駕官同引禮官
導引皇帝詣酒尊所執爵官捧爵從行至酒尊所引禮
官奏搯圭皇帝搯圭執爵官以爵進引禮官奏受爵皇

帝受爵司尊者舉冪酌酒引禮官奏以爵受執事者皇
帝以爵授執爵官引禮官奏出圭皇帝出圭引禮官奏
請詣神位前執爵官捧爵司幣者捧幣從行導駕官同
引禮官導引皇帝至神位前引禮官奏跪措圭皇帝跪
措圭司香官奉香跪進于皇帝之左引禮官奏上香上
香三上香皇帝上香上香三上香司香官興還本位司
幣者以幣跪進于皇帝之右皇帝受幣司幣者興還本
位引禮官奏奠幣皇帝奠幣執爵官奉爵酒跪進于皇

帝之右引禮官奏受爵皇帝受爵執爵官興還本位引
禮官奏祭酒祭酒三祭酒奠爵皇帝祭酒祭酒三祭酒
奠爵引禮官奏出圭皇帝出圭讀祝官取祝版跪讀于
神位之右讀訖以祝版復置于牀興還本位引禮官奏
俯伏興拜興拜興平身皇帝俯伏興樂作拜興拜興平
身樂止引禮官奏請復位導駕官同引禮官導引皇帝
復位

飲福

典儀唱飲福受胙執事者酌福酒減神前胙肉引禮官
奏詣飲福位導駕官同引禮官導引皇帝至神位前北
向立引禮官奏鞠躬拜興平身皇帝鞠躬樂拜興
拜興平身樂止引禮官奏稍前跪搯圭皇帝稍前跪搯
圭執事奉福酒跪進于皇帝之右引禮官奏飲福酒皇
帝受爵祭酒少許飲福酒引禮官奏奠爵皇帝奠爵訖
奉胙官奉胙跪進于皇帝之右引禮官奏受胙皇帝受
胙以胙授左右左右跪受胙引禮官奏出圭皇帝出圭

引禮官奏俯伏興拜興拜興平身皇帝俯伏興樂作拜
興拜興平身樂止引禮官奏請復位導駕官同引禮官
導引皇帝復位

徹豆

典儀唱徹豆樂作掌祭官各徹豆樂止典儀唱賜胙引
禮官奏皇帝飲福受胙免拜典儀唱陪祭官皆再拜傳
贊唱鞠躬拜興拜興平身陪祭官皆鞠躬拜興拜興平
身

送神

典儀唱送神引禮官奏鞠躬拜興拜興平身皇帝鞠躬
樂作拜興拜興平身樂止典儀唱陪祭官皆再拜傳贊
唱鞠躬拜興拜興平身

望瘞

典儀唱望瘞讀祝官取祝捧幣官取幣掌祭官取饌詣
瘞所置坎實半土典儀唱可瘞引禮官奏禮畢導駕官
同引禮官導引皇帝還次陪祭官以次出

論功行賞儀

前期內使監陳御座香案于奉天殿如常儀尚寶司設寶案於殿上正中侍儀司設詔書案於寶案之前設誥命案於丹陛正中之北設王太子諸王侍立位於殿上之東北設承制官承制位於殿上之東及宣制位於丹墀誥命案之北吏部尚書戶部尚書禮部尚書位於殿上之東南設大都督府兵部尚書位於殿上之西南應受賞官拜位於丹墀之中異位重行序立位於丹墀之

西南受賞位于誥命案之南受賞執事位於受賞官序

立位之西

每受賞官用捧誥命捧禮物者各一人

知班二人位于受賞官

拜位之北東西相向贊禮二人位于知班之北東西相

向典儀二人位于丹墀上之南東西相向文武官侍立

位於丹墀之北東西相向侍從班起居注給事中殿中

侍御史尚寶卿侍儀司官位于殿上之東懸刀武官位

于殿上之西殿前班指揮司三人位于丹陛之西東向

光祿寺三人位于丹陛上之東西向拱衛司二人位于

于殿中門之左右典牧所官二人位于仗馬之前宿衛
鎮撫二人位于丹陛下東西相向護衛千戶二十八人
位于宿衛鎮撫之南稍後東西相向護衛千戶八人位
于奉天殿東西門之左右將軍二人位于殿上簾前之
東西將軍六人位于奉天殿門之左右將軍四人位于
丹陛上之四隅將軍六人位于奉天門之左右俱東西
相向鳴鞭四人位于丹陛之南北向是日擊鼓初嚴金
吾衛列旗幟器仗拱衛司設儀仗車輅典牧司陳仗馬

虎豹內使監擊執樂工陳樂皆如正會之儀禮部陳設
詔書吏部陳設誥命戶部陳設禮物陳設執事各立于
案之左右殿前班糾儀典儀知班贊禮宿衛鎮撫護衛
將軍各入就位舍人催受賞官及侍立文武官各具朝
服擊鼓次嚴侍從班文武官入迎車駕舍人引受賞官
齊班於午門外之南東西相向文武官齊班于午門之
北東西相向擊鼓三嚴侍儀版奏中嚴御用監官奏請
皇帝于謹身殿服袞冕皇太子諸王子奉天殿門東耳

房具冕服舍人引文武官入就丹墀侍立位引受賞官
入就丹墀序立位侍儀版奏外辦皇帝御輿以出仗動
樂作侍衛導從如常儀升御座捲簾鳴鞭樂止司晨報
時雞唱訖引進引皇太子諸王自奉天門東門入樂作
由東陞升殿東門入至侍立位樂止舍人引受賞官入
就拜位知班唱班齊贊禮唱鞠躬樂作拜興拜興拜興
拜興平身樂止承制官前跪承制由殿中門出中陞降
至宣制位吏部尚書戶部尚書禮部尚書由西門出西

陞降立于誥命禮物案之東承制官南向稱有制贊禮

唱跪受賞官皆跪承制官宣制曰朕嘉某等為國建功

宜加爵賞今授某以某職賜以某物其共承朕命

受賜員數

不拘多少
載在其中

宣畢贊禮唱俯伏興樂作拜興拜興平身樂

止贊禮唱行賞舍人引受賞官第一人詣案前贊禮唱

跪措笏吏部官捧誥命禮部官捧禮物各授受賞官受

賞官受誥命禮物以授左右左右跪受於受賞官之左

興退復位贊禮唱出笏俯伏興復位舍人引受賞官復

位引以次受賞官詣案前皆如常儀承制官吏部尚書
戶部尚書禮部尚書由西陞升西門入跪上位之西奏
承制訖興各復位贊禮唱鞠躬樂作拜興拜興平身樂
止贊禮唱搯笏鞠躬三舞蹈山呼萬歲山呼萬歲再山
呼萬萬歲樂工齊聲應之出笏俯伏興樂作拜興拜興
拜興拜興平身樂止贊禮唱禮畢侍儀跪奏禮畢鳴鞭
皇帝興樂作警蹕侍從導引至謹身殿樂止引進引皇
太子諸王還宮舍人引受賞官及文武官以次出至午

門外以誥命禮物置于龍亭用儀仗鼓樂各送還本第
獻俘奏捷

永樂四年定

前期兵部官以露布奏聞禮部告示文武百官具朝服
并坊廂里老人等行慶賀禮先一日內官設御座於午
門樓前楹正中是日早錦衣衛設儀仗于午門前御道
之東西教坊司陳大樂於御道南東西北向鴻臚設贊
禮二人于午門前東西相向承制官一員位于午門前

東立西向設宣制位于午門東稍南西向設文武官及諸蕃使客人等侍立位于樓前御道南文東武西設露布案于午門前御道東設宣露布官一員展露布官二員及刑部獻俘官位于午門前御道東稍南西向設獻俘將校位于午門前御道西稍南北向設進露布官位于御道南稍東引禮引文武官東西序立引進露布官捧露布置于案退就位次將校引俘列于午門前西邊文武班之後伺候上位常服御奉天門鐘聲止鴻臚寺

跪奏請上乘輿樂作至午門樓上陞座樂止鳴鞭訖贊禮贊進露布官四拜樂作平身樂止贊進露布樂作執事者舉案置于中道樂止贊宣露布官跪宣露布官與展露布官詣案前取露布跪宣訖仍置于案退贊俯伏興樂作四拜平身樂止執事舉案復置于御道東引禮引進露布官退贊獻俘獻俘將校引俘至獻俘位北向立定俘跪于前刑部官詣樓前中道跪奏云具官臣某奏云某官以某處所俘獻請付所司伺旨有合受刑者

立于西廂東向以付刑官若上釋罪承制官詣御道跪
請制由東街南行至宣制位西向立稱有制所獲倖囚
咸赦其罪宣旨曰有勅釋縛所釋之倖叩頭訖將校引
禮文武百官入班北向立唱排班班齊致詞官詣中道
跪致詞云賀訖贊鞠躬樂作五拜三叩頭興平身樂
止鴻臚寺跪奏禮畢樂作駕興樂止百官以次退次日
行開讀禮如常儀第三日文武百官上表行慶賀禮如
常儀後各處奏捷鴻臚寺於早朝將差來人員引至御

前宣讀提音

明會典卷五十一